

Hermine Landvreugd

Illustrashon di **Shamrock**

kyle
ie
killer
káktùs

Uitgeverij De Harmonie - Amsterdam

Anteriormente De Harmonie a publiká di
Hermine Landvreugd
Casper en Elvig worden wereldberoemder

Anteriormente De Harmonie a publiká di
Hermine Landvreugd & Shamrock:



Pa René
i Pettersson




A dark, textured background featuring a stylized, hand-drawn map of the Americas. The map is rendered in a light gray color, showing the outlines of the continents and major rivers. A hand-drawn arrow points from the left towards the East Coast of North America. The title "Duars dor di Merka" is written in a large, white, serif font across the center of the map. The word "Kapítulo 1" is written in a smaller, white, sans-serif font at the top left.


Kapítulo 1

Duars
dor
di **Merka**

Kyle ta pusha e porta ku ta drai i drenta e Taco Bell restorant. Hesus e zeta dushi ta hole dushi. No ta ni mitar di nueve di mainta pero ya e restorant ta chòk chòk. Purá Kyle ta bai para den rei. Dirèkt tras di un cowboy ku un sombré grandi di kueru. E tin un jeans bistí. I den dje tin dos chanchan, esnan mas grandi ku el a yega di mira den su bida. Kyle ta midi ku su man. Ui, si e hòmbèr ei ranka un puya, e ta benta Kyle abou den un biaha. E ta pisa mané



un tresshen kilo. Òf sheteshentitres. Kasi e no por kana, asina gordo e ta, i p'esei e tin un ròlâtòr. Asin'ei tòg e por bai e restorant. Hende hopi sabí ta biba aki na Texas, Kyle ta pensa. Kyle a haña dies dòler serka su mama pa kumpra algu di su smak kun'é durante fakansi. Ku nan camper nan ta kore duars dor di Merka.




Kyle ta wak e menú pegá na muraya. E ta konta riba su dedenan. I e ta hasi esei bon, pasó e ta haña sinku sèn so bèk serka e señora tras di bali. E ta smail ku Kyle. Kyle ta papia ingles bon, pasobra e ta game i wak televishon hopi.

Hesú, mi tin suerte, el a pensa, pasó na kompra di un milkshake ros pipa di frambuesa, e ta haña un di dos grátis. Anto e sous pa batata tabata den baratio. E takonan a kasi slep kai for di su teblachi. Tako ta un tipo di hamburger di reskuk lorá. Kyle ta kana trankil bai na un mesa. Tur esaki ta pa mi, pa mi so so, e ta pensa, mi no tin mester di kompartí esaki ku mi ruman muhé fèrfelu.



Tur kliente ta haña un raspaditu. Kyle ta pròp e den
 su tas. Aworó e ta wak si el a gana algu òf no.
 Despues di kome un tako dòbel ku èkstra keshi,
 Kyle ta keda barika yen. E ta respu i wak su teblachi.
 Ta piká pa tira kuminda afó, tur esei ta kosta sèn.
 Kyle ta primi tur e sakunan di sous, un pa un, den
 su boka i despues dal un slòk di milkshake. Un doló
 skèrpi a dal e den su stoma i su tripanan ta kuminsá
 gruña agresivamente. Mi no ta sinti mi muchu bon,
 e ta pensa, mi tin ku bai wc urgentemente.
 E wc ta un tiki mas leu. N'e porta tin un señora koló
 skur sintá riba un krùk di plèstik. Tin un bòrchi ku
 lèter pretu grandi skibí: wc 50 sèn. O, o, Kyle ta
 pensa, ta sinku sèn so ma sobra. E señora tin un
 unifòrm i un brel chikitu bistí i ta wak ku un kara
 masha severo. Bo por mira na su kara ku e no ta bai
 lag'e pasa asina asina. P'esei Kyle ta kore bai pafó.
 Ku un man na boka i e otro riba su barika. E ta kore
 bai mei mei di yen di outo grandi te n'e rant dje lugá
 di parker. Banda di un tranké di zink kibrá tin un
 káktùs mas haltu ku un hende ta krese i banda di
 dje tin un kònteiner di shushi di heru. E tapa ta un
 tiki habrí. Ta dos wowo maron Kyle ta mira ta lur
 bou dje tapa? E no tin tempu pa para wak.
 Kasi Kyle ta saka riba su Nike Airnan nobo, ku
 zolnan bunita diki. Yen di spat i klòmpi ta bula rònt
 den laira, i dal den e kònteiner di shushi. Kyle ta



10

disfrutá di mira tur loke e ta saka: e ta mira
milkshake koló ros pipa i pan di kou fini fini. Pero
direpente e ta sinti manera e suela bou di dje ta
kuminsá tembla. E káktùs pará banda di Kyle ta
kuminsá move bai bin di manera masha peligroso.
Direpente dos man grandi ta sali for di e kònteiner i
hisa Kyle den laira. Upa, at'e ta drehta den e
kònteiner. Anto e tapa dje kònteiner ta sera.
'Un killerkáktùs,' un stèm ta murmurá na ingles.
'Keda sinta ketu.' Den e kònteiner ta sukú sukú. Kyle
ta sinta tur pèrtá mei mei di yen sak'i shushi i bòter